

ოქმი N4

ხობის მუნიციპალიტეტის საკრებულოს მესამე მოწვევის რიგგარეშე სხდომისა

ქ. ხობი

2016 წლის 10 თებერვალი

საკრებულოს წევრთა კანონით დადგენილი რაოდენობა - 36

საკრებულოს უფლებამოსილ წევრთა რაოდენობა - 35

რეგისტრაცია გაიარა საკრებულოს 25 წევრმა (რეგისტრაციის ფურცელი ოქმს თან ერთვის)

საკრებულოს სხდომაზე დამსწრე წევრთა რაოდენობა - 25 (დამსწრეთა სია ოქმს თან ერთვის)

საკრებულოს სხდომაზე დამსწრე საზოგადოების წარმომადგენელთა სია ოქმს თან ერთვის

სხდომას თავმჯდომარეობდა ედიშერ ჯობავა - საკრებულოს თავმჯდომარე

დღის წესრიგი:

1. „ხობის მუნიციპალიტეტის 2016 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2015 წლის 25 დეკემბრის №30 დადგენილებაში ცვლილების შეტანის თაობაზე“ დადგენილების პროექტის განხილვა.

(მომხსენებელი: გ. ქაჯაია - მუნიციპალიტეტის გამგებელი;

თანამომხსენებელი: დ. ჭოჭუა - გამგეობის საფინანსო-საბიუჯეტო სამსახური)

კენჭი ეყარა დღის წესრიგის კორექტირებულ ვარიანტს

კენჭისყრას ესწრებოდა საკრებულოს 22 წევრი

კენჭისყრის შედეგები:

მომხრე – 21, წინააღმდეგი – 1 (ე. წურწუმია)

(კენჭისყრას არ ესწრებოდნენ: ნ. შუმანია, გ. ქაძანაია, ბ. ქირია)

დაადგინეს: დღის წესრიგი დამტკიცდეს წარმოდგენილი სახით

დღის წესრიგით გათვალისწინებული საკითხის განხილვა

1. „ხობის მუნიციპალიტეტის 2016 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2015 წლის 25 დეკემბრის №30 დადგენილებაში ცვლილების შეტანის თაობაზე“ დადგენილების პროექტის განხილვა.

(მომხსენებელი: გ. ქაჯაია - მუნიციპალიტეტის გამგებელი;

თანამომხსენებელი: დ. ჭოჭუა - გამგეობის საფინანსო-საბიუჯეტო სამსახური)

მოისმინეს: დ. ჭოჭუა - მომხსენებელმა საკრებულოს წევრებს გააცნო დადგენილების

პროექტი „ხობის მუნიციპალიტეტის 2016 წლის ადგილობრივი ბიუჯეტის დამტკიცების

შესახებ“ ხობის მუნიციპალიტეტის საკრებულოს 2015 წლის 25 დეკემბრის №30 დადგენილებაში ცვლილების შეტანის თაობაზე“

სხდომის თავმჯდომარემ მიმართა საკრებულოს წევრებს, გამოეთქვათ შენიშვნები და მოსაზრებები წარმოდგენილ პროექტთან დაკავშირებით.

აზრი გამოთქვეს: **ლ. ქავთარაძე** - გამომსვლელმა განაცხადა, რომ მიესალმება ბიუჯეტის ზრდას, რისთვისაც მადლობა გადაუხადა ცენტრალურ ხელისუფლებას და გამგეობის შესაბამის სამსახურებს, ვისაც წვლილი მიუძღვის ამ საქმეში, კარგია, რომ ეს თანხები ხმარდება სხვადასხვა ინფრასტრუქტურულ პროექტებს. მაგრამ, სინანულით აღნიშნა, რომ მიუხედავად იმისა, რომ საკრებულოს წინა სხდომაზე საკრებულოს წევრების მხრიდან დაისვა საკითხი გამგეობის სამსახურებისა და ა(ა)იპი-ების ხელმძღვანელი ან პასუხისმგებელი პირების საკრებულოს სხდომებზე დასწრების თაობაზე, დღევანდელ სხდომაზე თითქმის არც ერთი არ არის წარმოდგენილი, არადა ა(ა)იპი-ების ხელმძღვანელები პირად საუბრებში აღნიშნავენ, რომ არავინ არ აფრთხილებთ მათ დასწრების აუცილებლობასთან დაკავშირებით. დასასრულს გამომსვლელმა, მიმართა გამგეობის ადმინისტრაციული სამსახურის უფროსს (ზ. ბუკია) უზრუნველყოს მათი დასწრება საკრებულოს სხდომებზე, რათა საკრებულოს წევრების მხრიდან კითხვების გაჩენის შემთხვევაში კონკრეტული პასუხი გასცენ მათ სფეროს მიკუთვნებულ საკითხებზე.

სხდომის თავმჯდომარემ სთხოვა საფინანსო-სარევიზიო კომისიის თავმჯდომარეს (ტ. ალექსანდრია) წარმოედგინა კომისიის დასკვნა წარმოდგენილ საკითხთან დაკავშირებით

ტ. ალექსანდრია - გამომსვლელმა საკრებულოს წევრებს გააცნო კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ გაიზარდა ხობის მუნიციპალიტეტის 2016 წლის ადგილობრივი ბიუჯეტის შემოსავლები 2422,5 ათასი ლარით, კერძოდ: მუხლიდან „გრანტები“ (რფგ). აგრეთვე მოხდა ნაშთის ზრდა 349,4 ათასი ლარით და შეადგინა 828,4 ათასი ლარი. ფაქტიური ნაშთის ზრდა 349,4 ათასი ლარი და შემოსულობების ზრდით მიღებული ასიგნებები 2422,5 ათასი ლარი, სულ 2771,9 ათასი ლარი მიიმართება შემდეგ ღონისძიებათა დასაფინანსებლად: პრიორიტეტის „აღმასრულებელი და წარმომადგენლობითი ორგანოების დაფინანსება“ ასიგნებებზე 70,2 ათასი ლარი; პრიორიტეტის „ინფრასტრუქტურის მშენებლობის, რეაბილიტაციისა და ექსპლოატაციის“ ასიგნებებზე 2616,6 ათასი ლარით. მუხლი „წინა წელს გამოუყენებელი თანხების დაბრუნება“ ასიგნებაზე 85,1 ათასი ლარი. ხობის მუნიციპალიტეტის ადგილობრივი ბიუჯეტით გამოყოფილი ასიგნების გადანაწილების წესის დამტკიცების შესახებ“ ხობის მუნიციპალიტეტის საკრებულოს 2015 წლის 30 აპრილის N15

დადგენილების შესაბამისად ხობის მუნიციპალიტეტის 2016 წლის დამტკიცებულ ბიუჯეტში ხობის მუნიციპალიტეტის გამგებლის ბრძანებებით მხარჯავი დაწესებულებებისათვის ადგილობრივ ბიუჯეტით გამოყოფილ ასიგნებებში ეკონომიკური კლასიფიკაციის მუხლებს შორის განხორციელებულია სხვადასხვა გადანაწილებები. ბიუჯეტის მთლიანი მოცულობა, ანუ შემოსულობების გეგმა შეადგენს 9066,7 ათას ლარს. გამომსვლელის განცხადებით, პროექტი მომზადებულია კანონის მოთხოვნათა გათვალისწინებით და კომისიას მიზანშეწონილად მიაჩნია პროექტის წარმოდგენილის სახით დამტკიცება.

კენჭი ეყარა წარმოდგენილ დადგენილების პროექტს

კენჭისყრას ესწრებოდა საკრებულოს 23 წევრი

კენჭისყრის შედეგები:

მომხრე – 23, წინააღმდეგი – 0

(კენჭისყრას არ ესწრებოდნენ: ე. წურწუშია, კ. ლატარია)

გადაწყვეტილება მიღებულია

(დადგენილება N9 ოქმს თან ერთვის)

დღის წესრიგით გათვალისწინებული საკითხის ამოწურვის შემდგომ საკრებულოს რიგგარეშე სხდომა დახურულად გამოცხადდა.

სხდომის თავმჯდომარე



ედიშერ ჯობავა

ხოზის მუნიციპალიტეტის საკრებულო

მესამე მოწვევის საკრებულოს 2016 წლის 10 თებერვლის რიგგარეშე სხდომაზე დამსწრე
საკრებულოს წევრთა სია

1. ედიშერ ჯობავა
2. ლაშა ცატავა
3. გოჩა სიჭინავა
4. ტარიელ ალექსანდრია
5. დოდო გაბუნია
6. ლევან ქავთარაძე
7. ნუგზარ შუმანია
8. ვასილ კუკავა
9. როსტევეან გვარამია
10. მალხაზ ლაგვილავა
11. მერაბ ფილიპია
12. კახა ლატარია
13. ქეთევან ოდიშარია
14. მერაბ ნადარია
15. მზია ლემონჯარია
16. შადიმან ჭილაია
17. ჯემალ ნადარია
18. მელიორ გელანტია
19. ედიშერ წურწუშია
20. მალხაზ ყურუა
21. კახა მიქაბერიძე
22. ბეჟან ქირია
23. იგორ გოგოლაძე
24. გენად ქაძანია
25. გენად ზარანდია